



KU SOO DHAWOOOW PRE-K

HAGAHA QOYSA



KU SOO DHAWOOW

DUGSIYADA DADWEYNAYA METRO NASHVILLE (MNPS) BARNAAMIJKA PREKINDERGARTEN (PRE-K)!

Waan ognahay in kani ay qoyskaaga u tahay wakhti xiiso badan, waxaana laga yaabaa inaad qabto su'aalo badan oo ku saabsan Pre_K. Hagahan waa agab aad ku caawinayso qoyskaaga inay isu diyaariyaan. Haddii aad qabto su'aalo dheeraad ah oo ku saabsan barnaamijkeena Pre-K oo aan ku jirin hagahan, fadlan la xiriir dugsiga ilmahaaga ama booqo earlylearning.mnps.org.

MAXAA KU JIRA
GUDAHA?



MACLUUMAAD KU SAABSAN:

- SAACADAHU DUGSIGA IYO XAADIRITAAN
- CUNTOOYINKA
- LABBISKA IYO AGABKA
- MANHAJKA
- WAQTIGA NASASHADA
- SAFARADA DIBADDHA
- DARYEELKA KA HOR IYO KA DIB
- ADEEGYADA WAXBARASHADA GAARKA AH
- SHIRARKA QOYSKA
- IYO IN KA BADAN!



BARNAAMIJKA PRE-K EE MNPS

Pre-K waxa ay kaa caawin kartaa u diyaarinta ilmahaaga si uu ugu guuleysto Kindergarten-ka iyo wixii ka dambeeyaa. MNPS gudaheeda, waxaan siinaa jawi soo dhaweyn iyo soo jiidasho u leh ardayda Pre-K iyo qoysaskooda. Barnaamijyadeena Pre-K waxay u diyaariyaan carrurta dugsiga hoose waayo aragnimo waxbarasho oo macno leh iyada oo loo marayo cayaar ujeedo iyo ula kac leh iyo ogaansho.

Pre-K waa qeyb muhiim ah oo ka mid ah dariiqa waxbarasho ee ilmahaaga ee MNPS. Degmada waxay Pre-K siisaa barnaamijyo maalintii oo dhan ah oo loogu talagaley 4-jirka iyo qaar ka mid ah barnaamijyada pre-school-ka ee 3-jirka. Daraasaduhu waxay muujiyeen in 90% maskaxda ilmuu ay korto da'da 5 jirka ah. Pre_k waxay bixisaa casharrada lagama maarmaanka ah, nashaadaadka iyo ku celcelinta si loo hubiyo in ubadku leeyahay waayo aragnimada taageeraya horumarka ubadka oo dhan.

Inta lagu jiro sannad dugsiyeedka, ilmahaaga waxa uu ka qeyb qaadan doonaa duruus dhiiri gelin doonta sahaminta, ogaanshaha, su'aalaha iyo iska yeelyeelida iyada oo la adeegsanaayo manhaj cailmi baariseed oo u ogolaanaya ardayda Pre-K inay bartaan sida ugu wanaagsan ee carruurtu u bartaan cayaar macno iyo ujeedo leh. Shaqaalaha waxbarida waxay ka qeyb qaataan tababarada socda si ay u wanaajiyaaan farsamadooda iyo inay hagaan waxbarashada ilmaha. Ardaydu waxay bartaan inay fahmaan oo muujiyaan shucuurtooda, xalliyaan mashaakilaadka iyo inay la jaqaadaan kuwa kale marka ay u horumarayaan tacliin ahaan, bulsho ahaan iyo dareen ahaanba.



▣ Cayaarta waxaa inta badan looga hadlaa sidii iyadoo laga nasinayo waxbarashada dhabta. Laakiin carruurta cayaartu waa u wabarasho dhab ah. ▣

⌚ FRED ROGERS ⌚



WAX SU'ALO MA QABTA?

PFadlan la xiriira Xarunta Macluumaadka Qoyska ee (615) 259-INFO (4636) or familyinfo@mnps.org.



XOG MUHIIM AH

SAACADAHA DUGSIGA IYO XAADIRITAANKA

Inta badan barnaamijyada Pre-K ee MNPS waxay bilaabmaan 8da subaxnimo waxayna dhammaadaan 2da galabnimo. Laga bilaabo Pre_k, waa muhiim inaad aasaastid caadooyinka imaanshaha wanaagsan ee ilmahaaga, oo ay ku jiraan ku imaanshaha iyo ku bixitaanka wakhtiga maalin kasta, in ilmahaagu xaadiro maalinta barnaamijka oo dhan yaraynta maqnaanshaha.

Fadlan ogow, 10 ama ka badan oo maqnaansho cudurdaar la'aan ah, daahitaan ama bixitaanka hore waxay saameyn ku yeelan karaan sii dhigashada ilmahaaga ee barnaamijka Pre-K. Wixii macluumaad dheeraad ah oo ku saabsan jadwalka ilmahaaga, fadlan la xiriir dugsiga ilmahaaga.

Sababaha amniga awgood, barnaamijka Pre-K waxa uu u baahan doonaa in qoysasku ay saxeexaan keenista iyo qaadista maalin dugsiyeed kasta. Dugsiga ilmahaaga ayaa ku siin doona habraacyada dugsiga ee saxiixa keenista iyo ka qaadista ilmahaaga.

LABBISKA IYO AGABYADA DUGSIGA

Fadlan booqo www.mnps.org si aad u hesho dugsiga ilmahaaga oo aad u hesho macluumaadka gaarka ah ee la xiriira labbiska dugsiga iyo agabka. Haddii aad qabtid su'aalo dheeraad ah, waxaad la xiriiri kartaa dugsiga ama Xarunta Macluumaadka Qoyska 615-259-4636.

NIDAAMKA OGEYSINTA EE XIRITAANKA AMA BAAJINTA DUGSIGA

Haddii dugsiyada loo xiro ama loo baajiyo xaalad degdeg ah, cimilo xun ama xaalad kasta oo kale oo saameeyn karta badbaadada carruurta iyo shaqaalaha, ogeysiis rasmi ah ayaa lagu dhejin doonaa website-ka degmada, www.mnps.org, oo ay weheliso ogeysiiska telefishinada iyo idaacadaha maxaliga ah. Iyadoo ku xiran xaalada, degmadu waxay sidoo kale soo saari kartaa wicitaanka tooska ah ee qoyska. Haddii aadan geli karin website-keena, waxaad wici kartaa Xarunta Macluumaadka Qoyska 615-259-4636 si aad u hesho macluumaadka ugu badan ee ku saabsan furitaanka ama xiritaanka dugsiga. Qoysaska waxa kale oo laga yaabaa in aad MNPS ka soo dejisan karaan app-ka mobaylada bilaashka ah ee dukaamada Apple iyo Google Play si ay u helaan wararka iyo macluumaadka dugsiga u gaarka ah.

MANHAJKA

Inta badan fasalada Pre-K waxay isticmaalaan manhaj ku salaysan cayaar ula kac, kaas oo bixiya jawi waxbarasho oo kala duwan halkaas oo waxqabadyada ay wadaan ardayu, una ogolaato shaqaalaha waxbarida inay ka caawiyaan caruurta inay cayaaraan oo ay sahamiyaan sidii dariiq waxbarasho.. Sannad waxbarasho ah ayaa loo qeybiyaa qeybo lix ilaa sagaal toddobaad ah halkaas oo lagu baaro mowduucyo kala duwan, oo loo yaqaan daraasado. Tani waxay siinaysaa ilmahaaga fursad uu ku sahmiyo, tijaabiyo oo uu u baadho hab gacan ka qabasho ah iyada oo loo marayo hawlaha fasalka, inta lagu jiro kor u akhrinta, xarumaha waxbarida koox yar iyo weyn, marka dibadda la sahminaayo.

QURAAC IYO QADO

Xafiiska Adeegyada Nafaqada waxa uu bixiyaa maalin dugsiyeed kasta cunto caafimaad leh, nafaqo leh oo quraac iyo qabada leh. Quraacdha iyo qadada waa u lacag la'aan qoysaska u qalma. Macluumaadka nafaqada waxaa lagu daray Buug gacmeedka Waalidka iyo Ardayga waxaana laga heli karaa website-ka MNPS. Barnaamijka Pre-K ee MNPS waxa uu fasalka gudahiisa ka hirgaliyay cunto cunista qaabka qoyska si loo yareeyo tirada isbeddelka ee dhacaya maalin gudaheed iyo doodaha dhisi doona erayada iyo xirfadaha luuqadeed ee ilmaha. Wixii macluumaad dheeraad ah oo ku saabsan kharashka quraacdha iyo qadada, fadlan kala xiriir dugsiga ilmahaaga.

WAQTIGA NASASHADA

Ardayda Pre-K waxay maalin kasta dugsiga ku leeyihii waqtii nasasho. Haddii ilmuu aanu rabin inuu nasto, ka dib marka la geeyo sariirahooda, macalinku wuxuu siin doonaa buug ilmaha wuxuuna ku dhiirigelinaya inay si deggan u joogan sariirtooda waqtiga nasashada.



SHAQADA GURIGA

Waxaan ku dhiirigelinaynaa qoysaska inay isticmaalaan waayo aragnimada maalinlaha ah si ay u taageeraan fikradaha akhris-qoraalka iyo xisaabta si loo kordhiyo waxbarashada guriga. Tusaale ahaan: wax la akhrinta ilmahaaga marka la seexanaayo, warqad u qora xubnaha qoyska si ay u horumariyaan xirfadaha akhris-qoraalka, ama wada karinta casho si ay u horumariyaan xisaabta iyo xirfadaha dhaqdhaqaqa. Hawlqabadyada iyo fikrado dheeri ah, fadlan la xiriir macalinka ilmahaaga ama booqo website-ka Xisaabta ee Kindergarten **earlylearning.** mnps.org/countdown_to_kindergarten.

SHIRKA QOYSKA IYO KAARARKA WARBIXINTA

Kulamada qoyska iyo kaararka warbixintu waxay kaa caawinyaan inaad la socoto horumarka ilmahaaga ee xirfada waxbarasho iyo bulsho ee sanadka oo dhan. Shirarka qoyska, ee dhaca dayrta iyo guga, waxay ku siinayaan fursad aad kula kulanto macalinka ilmahaaga si aad ugala hadasho horumarka ilmahaaga.

Kaararka warbixinta waxaa guriga loo soo diraa rubuc walba, waxayna tilmaamayaan in xirfadaha iyo kartida ilmahaagu ay ka hooseeyaan, gaarayaan ama dhaafayaan filashooyinka aad loo hayo ee ardayda da'dooda ah, iyo sidoo kale xirfadaha xiga oo ay ku kobcin doonaan.

SAFARADA DIBADDA

Goob kasta oo dugsi ah ayaa go'aamin doonta safarrada dibadda ee ku salaysan manhajka ama hawl-qabadyada soo socda. Qoysaska waxay la xiriiri karaan dugsiga si ay u helaan macluumaadka ku saabsan imaansha waalidka iyo shuruudaha hoggaamiyaha. Qoysaska waxaa laga yaabaa in la weydiisto inay bixiyaan kharashka safar kasta oo dibadda ah si loo doboolo kharashka gelitaanka iyo gaadiidka baska.

KA QEYBGELINTA QOYSKA

Qoysaska waxaa lagu dhiirigelinaya inay si dhow ula shaqeyyaan macalinka ilmahooda si ay u wanaajiyaa khibradooda dugsiga. Ka qeyb gelida shirarka macalinka, dib u eegista warbixinta horumarka ilmahooda, ka qeybgalka shirarka waalidka iyo aqoon is weydaarsiyada, oo booqo website-ka Xisaabta ee Kindergarten **earlylearning.** mnps.org/countdown_to_kindergarten wararka iyo macluumaadka ku saabsan sida guriga ilmahaaga logala shaqeyyo, qoysaska iyo shaqaalahaa dugsiga waxay shiraako ku noqon karaan xirfadda waxbarashada ilmahooda.



"Cayaartu waa qaabka ugu sarreeya ee
cilmii baarista.

ALBERT EINSTEIN



? MA U BAAHAN TAHAY ILO DHEERAAD AH?

Booqo website-keena u diyaarsanaanta
Kindergartenka wixii macluumaaad dheeraad ah iyo
waxqabadka guryaha earlylearning.mnps.org/
countdown_to_kindergarten.mnps.org/

ADEEGYADA DARYEELKA KA HOR IYO KA DIB

Qaar ka mid ah goobaha dugsiga Pre-K waxay leeyihii barnaamijyo Waxbarasho Dheeraad ah (daryeelka ka hor iyo ka dib) si loo kordhiyo waayo aragnimada waxbarasho ee ilmahaaga wixii ka dambeeya saacadaha dugsiga. Bixiyeyaasha iyo khidmadaha barnaamijku way ku kala duwan yihiin goobta dugsiga. Liis dhammaystiran ee daryee bixiyeyaasha ka hor iyo ka dib ayaa goobta laga heli karaa www.mnps.org qeybta waxbarshada dheeraadka ah (ee hoos timaada Ardayda iyo Qoysaska).

ADEEGYADA WAXBARASHADA GAARKA AH

Sida waafaqsan Sharciga Gobolka Tennessee iyo Helitaanka Ilmaha, dugsiyadeenu waxay ku dadaalaan inay siiyan ilmo kasta nooca jawi waxbarasho oo ay u baahan yihiin. Child Find waa qeyb ka mid ah Sharciga Waxbarashada Shakhxiyaadka Naafada ah (IDEA) ee u baahan in degmooyinka dugsiyada aqoonsadaan, helaan oo ay qiimeyaan carruurta da'doodu u dhaxeyso 3 ilaa 21 jirka ee looga shakisan yahay itaaldarrada kuwaas oo u baahan kara adeegyada waxbarashada gaarka ah. Wixii macluumaaad dheeraad ah ama si aad uga hadasho baahiyaha ilmahaaga, fadlan la xirir 615-687-4551, extension 665702 ama booqo www.mnps.org qeybta Waxbarashada Gaarka ah (hoosta timaada).

BARNAAMIJKA GARGAARKA WAXBARASHADA PRE-K

Inkasta oo inta badan kuraasta Pre-K aysan ahayn lacag, kuraasta qaarkood waxay ku salaysan yihiin khidmad waxayna u baahan yihiin lacag lagu saleeyo waxa loo yaqaan sliding scale. Kaalmada waxbarashada ayaa diyaar u ah qoysaska u qalma ee lagu mееleeyo kuraasta ku salaysan kharashka. Haddii ay qoyskaagu la kulmaan dhibaato, xaalad degdeg ah ee qoyska ama dhaawac oo ay buuxiyaan shuruudaha u qalmitaanka, waxaad u qalmi kartaa inaad goobta dugsiga ilmahaaga u soo gudbiso Codsiga Kaalmada Waxbarashada Pre-K oo wata dokumenti. Dhammaan codsiyada, oo ay la socdaan dokumenti, si loo tixgeliyo waxaa dib u eegi doona Hoggaanka Waxbarashada Hore. Kaalmada waxbarashada waxay siin doontaa qiimo dhimis waxbarashada qoysaska u qalma ee aqbalaya kursiga Pre-K ee ku salaysan kharashka. Macluumaaad intaas ka badan, u kac qeybta Khidmadaha Barnaamijka Pre-K (hoos timaada) earlylearning.mnps.org.

WAX LA AKHRISO ILMAHAAGA

Inaad kor wax ugu akhriso ilmahaaga waa mid ka mid ah siyaabaha ugu wanaagsan ee lagu diyaariyo laguna wanaajiyo waayo aragnimada dugsiga ee ilmaha. Inaad kor wax ugu akhriso ilmahaaga waxay kordhisaa erayada, waxay dhistaafahamka sheekada waxayna dhiirigelisaa jacaylka akhriska.

KA HOR INTAADAN BILAABIN

- » Xulo buugaag aad iyo ilmahaaga ku raaxeysataan!
- » Kor u akhri buugaagta oo dhageyso erayada qaadiyada ah ama weedho soo noqnoqda
- » Sii carruurta waqtii ay isugu diyaariyan inay wax dhegeystaan.

KA DHIG AKHRISKA MID LAGU RAAXEYSTO

- » La wadaag magaca qoraaga iyo sawir qaadaha.
- » Si tartiib ah oo hufan u akhri. Make eye contact with children.
- » Indhagaaga la raac carruurta..
- » U akhri si is muujin ah

KU DHIIRI GELI CARRUURTA INAY KA QEYB QAATAAN

- » Su'aalo weydii "Maxaad u malaynaysaa in sheekadu ku saabsan tahay?" "Maxaa ka dhacay sheekada?" "Maxaad ka heshay?"
- » Ku martqaad carruurta inay ku soo biiraan weedho ama beydad soo noqnoqda

CINWAANDA LA SOO JEEDIYAY IYO QORAYAASHA

- HAVE YOU SEEN MY CAT by Eric Carle
LLAMA LLAMA RED PAJAMA by Anna Dewdney
MOUSE PAINT by Ellen Walsh
NOT A BOX by Antoinette Portis
ROSE GOES TO PRESCHOOL by Karen Katz
TEN BLACK DOTS by Donald Cruz
TEN LITTLE CATERPILLARS by Bill Martin
THE NAPPING HOUSE by Audrey Wood
THE SNOWY DAY by Ezra Jack Keats
WE'RE GOING ON A BEAR HUNT by Michael Rosen





METRO
NASHVILLE
PUBLIC
SCHOOLS

MNPS.ORG | 615-259-4636

Dugsiyada Dadweynaha Metro Nashville (MNPS) kuma sameeyaa takoor ku salaysan isir, diin, caqido, jinsiga, aqoonsiga jinsiga, jihadha galmaada, asaka qaranimo, midabka, da'da iyo/ama naafada inay galaan oo marin u helaan barnaamijyada, adeegyada, ama hawlaheeda. MNPS ku ma takoorto shaqaaleysigeeda ama habdhaqankeeda shaqaaleyntra.